

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 19 (1924)

Rubrik: Rapports dellas academias romontschas

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.02.2026

ETH-Bibliothek Zürich, E-Periodica, <https://www.e-periodica.ch>



Rapports dellas academias romontschas.

L' academia romontscha a Sviz.

L' annada 1923 sin 24 ei vargada. Ils students romontschs a Maria Hilf han uonn puspei luvrau pruamein per il lungatg de lur mumma. Igl actuar ha protocollau las sequentas lavurs en scret: Sur avat Schlegel e Nicolaus Rusca; Nadal ussa ne inagada; Nadal-notg (s-chizza); Enzatgei sul trafic e transit ella Surselva grischuna; Nossadunna della glisch; Sur l' uiara dils Grischuns encunter ils Franzos 1799; G. Modest Nay e siu eminent plaz ella literatura romontscha.

Dasperas han canzuns e declamaziuns en prosa e poesia vivificau ed embelliu considerablamein la radunonza presapauc meinsila. Ins vesa, la nobla enfiarla digl ischi grischun leuora al pei dil maie-stus Mythen crescha e prosperescha vinavon.

Dus evenements meretan aunc ina speciala menziun: la celebraziun dil giubileum dil protectur en in' atgna academia festiva e la gronda participaziun dils commembers vid la grondiusa fiasta centenara della Ligia grischia ils 22 e 23 de zercladur a Trun sper igl Ischi.

Ed ussa, vus valents students romontschs de Sviz, emblidei buca las bialas uras romontschas leuora ella bufatga sala dell' academia! Dei da temps en temps puspei in' egliada ora ella stiva romontscha, nua che vus veis, penetrai da sentiments de libertad e da carezia enviers vossa nobla viarva, tschentau si solemnamein il boccal ed il cudisch

festiv della fiasta centenara! Luvrei conform als principis plantai en a vus arisguard la defensium e cultivaziun dil lungatg romontsch! Plidei, scrivi romontsch e suondei, aschi lunsch sco pusseivel, las reglas e normas della grammatica nova, per saver contonscher ton pli gleiti era en vies idiom la schi ditg desiderada, necessaria unitad ortografica!

Vossa parola seigi e resti:

Bandiera romontscha sgolatscha

En victorius combat!

Al nausch inimitg che smanatscha,

Resista mo ferm' unitad.

Curaglia, igl 1 d' uost 1924.

Il protectur: Aug. Giger, prof.

L' academia romontscha „il curtin” en la claustra a Mustér.

Quater onns ein vargai dapi ch' il vent permaun ha raffau naven ina frastga dagl ischi e plantau quella en il fretgeivel terren claustral. Mirein nus anavos sin ils treis onns vargai de noss' academia (ils rapports sesanflan els Ischis precedents), sche astgein nus dir: «Ils fegls romontschs el sanctuari de Mustér han luvrau cun tutta energia e curascha per il lungatg matern e la mumma romontscha astga esser cuntenza cun els.»

Gest aschi legreibels sco ils onns vargai ei il resultat digl onn 1923/24. Quindisch students ein separticipai stediamein dellas radunonzas, regularmein duas gadas el meins. En mintga sessiun pudevan ins leger giud las fatschas legria e carezia

per la mumma retoromontscha e per la patria grischuna. La survigilanza havein nus surdau a:

Flurin Berther, stud. VI. lat., president

Giachen Berther, stud. IV. lat., vicepresidente

Stiafen Caduff e Peter Goldmann, protocolists.

Duront las bialas uras legravan ils commembers in l'auter cun lavurs historicas, raquintaziuns e biografias. Aschia ha ina survista della situaziun politica menau anavos nus el temps della Ligia grischa. Umens cun ver spért e gnarva grischuna sco p. ex. in avat Pieder de Pultengia han mussau a nus de viver per Diu e per la patria. In auter commember ha saviu resdar sur dils «artechels de Glion». Treis auters han plidau sur P. Theodosi Florentini, rev. prof. Dr. Gius. Huonder de Disla e prof. Placi Condrau. A nies hospitant Al. Paly de Caprau admettein nus nies cordial engraziament per sias bialas lavurs e nus havein speronza d'aunc ver el pli en nies miez.

Uss aunc in cordial «Dieus paghi» al premurau hortulan dil «curtin», a P. Maurus. Plinavon seigi era engraziàu a sgr. red. Dr. Gius. Condrau perquei ch'el lai vegnir tier a nus la Gasetta Rom. gratis. In cordial «Dieus paghi» auda era als benefactors dil «curtin» per ils biars bienmauns ed era a P. Baseli Berther per il diever che nus havein fatg de sia biala biblioteca romontscha. En num dell'academia engraziein nus aunc a tuts quels che han luvrau el «curtin» e nus havein la ferma perschuasiun che quels vegnien era dacheu naven a luvrar per il lungatg mumma.

Aschia astgein nus mirar cun buna conscienza anavos sin igl onn vargau e dir: «Nus havein luvrau secund nies saver e puder e sch' il «curtin»

flurescha vinavon sco entochen dacheu vegn el a purtar buns fretgs.»

Quei vegli Dieus!

Per l' academia rom. il «curtin»:

Benedetg Giger, stud.

Radunonza populara della Romania a Rueun, ils 26 d' uost 1923.

Sin in sulom de veglia ed originala cultura retica, en quei vitg sursilvan de vaglia cun siu pievel de vaglia, co dueva la fiasta buca reussir, ina fiasta dedicata specialmein al «*Moviment romontsch*» (referat de *Dr. R. Vieli*)! La «Gas. Rom.» ha purtau in extendiu rapport sur della radunonza ed igl entir stupent referat. *Prof. Dr. Tuor*, nunstunclenteivel defensur e promotur de quei moviment, ha en favur de quei impurtont moviment patriotic mussau, ch' ils *subsidis cantonals e federalis* deian buca vegnir reduci, na, manteni sco in act buca de grazia, mobein de giustia e de sentiment patriotic. Plaids serius e historics de giuvens e vegls, cant e musica han dau in agen ornament alla radunonza, la quala ei stada in mussament, ch' il pievel vesi sia «Romania» pli bugen ual amiez il pievel sez che mo en ina stiva academica! Suentar il *solemn Requiem* dil gliendisdis ha rev. *prof. Aug. Giger* sin senterì renovau l' engrazieivla regurdientscha dils morts ch' ein passai ord la Romania tier l' armada celestia. Als morts il ruaus, als vivs ils quitaus!

Tier las *tractandas* ha la «Romania» concludiu ina contribuziun per il liug commemorativ sper igl